

Broj: 05-02-35-51/2021-7
Sarajevo, 16.11.2021. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 05-30-36-R-18/2021 od 11.10.2021. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA –
NABAVKA OPREME ZA ZAŠTITU EMAIL SISTEMA ZA POTREBE GENERALNOG
SEKRETARIJATA VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Otvoreni postupak za javnu nabavku roba – nabavka opreme za zaštitu email sistema za potrebe Generalnog sekretarijata Vlade Federacije Bosne i Hercegovine, evidencijski broj nabavke: 05-02-35-51/2021-1, broj Obavještenja o nabavci sa portala javnih nabavki: 854-1-1-111-3-17/21 od 12.10.2021. godine, Sažetak obavještenja o nabavci objavljen u „Službenom glasniku BiH – Oglasnik javne nabavke“, broj: 63/21, kao prihvatljiva ponuda ocijenjena je ponuda ponuđača **LANACO d.o.o. Banja Luka**, sa ukupnom cijenom ponude u iznosu **70.000,00 KM** bez PDV-a.

II.

Ponuda Ponuđača iz tačke I. ove odluke ocijenjena je prihvatljivom, jer ispunjava uslove postavljene Tenderskom dokumentacijom.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 05-02-35-51/2021 od 11.10.2021. godine. Javna nabavka provedena je putem otvorenog postupka. Ukupna procijenjena vrijednost nabavke iznosila je 70.000,00 KM bez PDV-a. Obavijest o nabavci poslana je na objavu 12.10.2021. godine, te je istog dana objavljena na portalu Javnih nabavki pod brojem: 854-1-1-111-3-17/21. Sažetak obavještenja objavljen u „Službenom glasniku BiH – Oglasnik javne nabavke“, broj: 63/21.

Tendersku dokumentaciju preuzelo je 27 (dvadesetsedam) privrednih subjekata, a 2 (dva) ponuđača dostavila su ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: LANACO d.o.o. Banja Luka i MiA TEKNOLOJi A.Š. ANKARA.

Komisija je konstatovala da ponuda ponuđača MiA TEKNOLOJi A.Š. ANKARA, ne može biti predmetom ocjene jer navedeni ponuđač nije direktno preuzeo tendersku dokumentaciju na Portalu javnih nabavki, a što je u skladu sa članom 55. stav (1) tačka d) Zakona o javnim nabavkama i poglavljem VI tačka 1. Tenderske dokumentacije, gdje je utvrđen način preuzimanja tenderske dokumentacije. Ponuda ponuđača MiA TEKNOLOJi A.Š. ANKARA se odbija kao neprihvatljiva, u skladu sa članom 68. stav (4) tačka j) Zakona o javnim nabavkama ("Službeni glasnik BiH", broj: 39/14).

Komisija za javne nabavke, imenovana Rješenjem, broj: 05-30-36-R-18/2021 od 11.10.2021. godine, izvršila je pregled i ocjenu ponude ponuđača LANACO d.o.o. Banja Luka, te konstatovala da je ponuda prihvatljiva.

Komisija je dostavila sekretaru Vlade Federacije Bosne i Hercegovine Zapisnik o pregledu i ocjeni ponuda, broj: 05-02-35-51/2021-6 od 15.11.2021. godine sa preporukom o izboru najpovoljnijeg ponuđača LANACO d.o.o. Banja Luka, sa registriranim sjedištem u Banjoj Luci, ID broj: 4400853190007 za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem Ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove

